

Collecta 2019 dal Succurs d'enviern dal Grischun – text per las medias

La povradad en Svizra n'è savens betg visibla. Nus gidain en cas da miseria.

En Svizra vivan passa 670 000 umans en moda modesta e tuttina na san els strusch sa tegnair finanziailmain sur aua. Savens èn quai mammas ch'educhescha sulettas, ma er dunnas ed umens che vivan sulets, als quals mancan ils daners per las chaussas las pli necessarias per viver. I na s'accorscha betg da quai. Quai che sa chapescha da sez per blers na pon els betg sa prestar. Quests umans sa retiran, savens or da vargugna, da la vita sociala e daventan uschia per il pli fitg solitaris. Blers umans dovràn bler per sa surventscher da dumandar agid e da l'acceptar. En il chantun Grischun pon far quint mintga onn 650 personas cun il Succurs d'enviern. Nus surpigliain expensas urgentas, sco per exempel in quint nunprevis dal dentist, ina premia da la cassa da malsaus che sto anc vegnir pajada u la resalva persunala d'in quint dal medi, consegnain letgs e vestgadira u finanziain l'emprim turnister da scola per in uffant. Cun il sustegn dal Succurs d'enviern pon las personas pertutgadas dumagnar meglier lur situaziun e mitschar duraivlamain da la povradad.

Il Succurs d'enviern dal Grischun vul gidar er en l'avegnir umans en situaziuns difficilas. Mussai Vossa solidaritad cun umans en Vossa vischinanza e sustegnai il Succurs d'enviern dal Grischun. Grazia fitg.

Tge prestaziuns ha furnì il Succurs d'enviern dal Grischun durant l'onni da gestiun 2018/2019

L'onni da gestiun 2018/2019 ha il Succurs d'enviern dal Grischun survegnì 261 dumondas da sustegn. Da quellas èn 8 dumondas vegnidas refusadas u n'han betg pudì vegnir giuditgadas pervia d'indicaziuns mancantas. Tut en tut èn vegnidas pajadas prestaziuns da sustegn en la dimensiun da var 85 700 francs. 111 famiglias u personas singulas che vivan en moda fitg modesta, han profità da la surpraisa da Nadal. 40 giadas èn vegnidas consegnadas pachets da vestgadira a famiglias u a personas singulas e 33 dumondas per letgs èn vegnidas inoltradas. 28 uffants han dastgà cumenzar la scola cun in turnister dal Succurs d'enviern.

Var dus terzs da las dumondas pertutgan personas ch'educheschan sulettas u famiglias, 5 pertschient pèrs e var 30 pertschient personas singulas.

Für einen Kanton Graubünden ohne Armut

...

Gürtelstr. 89
7000 Chur

T 081 257 26 54
F 081 257 21 48

info@winterhilfe-gr.ch
www.winterhilfe-gr.ch

GKB Chur
IBAN CH81 0077 4110 2862 4090 1



Infurmaziuns davart il Succurs d'enviern dal Grischun

Il Succurs d'enviern da la Svizra exista dapi passa 80 onns ed è vegnì fundà durant la gronda crisa economica mundiala. Il Succurs d'enviern da la Svizra e las 27 organisaziuns chantunalas giuridicamain autonomas prestan oz agid durant l'entir onn. Ellas èn politica-main e confessionalmain neutralas ed han il label da qualidad dal ZEWO. L'october 1995 ha il succurs d'enviern dal Grischun obtegnì l'autonomia giuridica ed è vegnì transferì en ina fundaziun. Il cussegl da fundaziun sa cumpona sco suonda: cusseglier guvernativ dr. Christian Rathgeb, deputada Tina Gartmann-Albin (presidenta), deputà Linard Weidmann, Vitus Dermont (vicepresident) ed Elisabeth Mani-Heldstab.

Il secretariat dal Succurs d'enviern dal Grischun sa chatta tar l'uffizi chantunal dal servetsch social dal Grischun a la Gürtelstrasse e vegn manà da las collavuraturas e dals collavuratur da quel. Per il Succurs d'enviern dal Grischun na resultan ni custs da salari ni custs da locaziun. Quai permetta da tegnair bass ils custs administrativs.

Conto da donaziuns:

Banca chantunala grischuna Cuira, IBAN nr.: CH81 0077 4110 2862 4090 1

Persuna da contact:

Succurs d'enviern dal Grischun

Jürg Buchli

c/o Uffizi chantunal dal servetsch social dal Grischun

Gürtelstrasse 89

7001 Cuira

Tel. 081 257 26 95

E-mail info@winterhilfe-gr.ch

www.winterhilfe-gr.ch